

զայն Հայք, և է այժմ 'ի ձեռս Հայոց : Մա ըստ աղաչանաց վարդապետացն Հայոց դնաց 'ի Սիս, և արար խաղաղութիւն 'ի մէջ միաբանաց Հայրապետանոցին, և 'ի յորդորել զնոսա ընտրել զայլ ոք առաքինի և իմաստուն յԱթոռն Հայրապետութեան. նոքա ընտրեցին զնոյն ինքն զՊօղոս և Յօնն Կաթողիկոս յԱթոռն Սոյ, որ և յետոյ բարեկարգեաց փոքր ինչ զԱթոռն զայն . Տէս Հ . Մ . Չահէան, Հոգ . Գ . երէս 458 : Եւ վասն սոյն Հայրապետիս աւանդի նաեւ 'ի յիշատակարանս ճառընտրի մերում . « Տէր Պօղոս՝ որ էր Արքեպիսկոպոս Երուսաղէմի, որ յետ սուղ ինչ աւուրցեղեւ Կաթողիկոս ամենայն Հայոց . ետ գրել զճառընտիրս զայս 'ի թուին Հայոց ՊՅԼ (1419) . 'ի Սուլթանութեան շէյխի : Ի Հայրապետութեան Տ . Պօղոսի, և յԵպիսկոպոսութեան Երուսաղէմի Տ . Մարտիրոս Մարցելոյն : Գրիգոր Կաթողիկոս Խանձողատ, վասն ապերախտ ինչ գործոց, ընկեցեալ եղեւ յԱթոռոյն . և եկեալ տարան զՏէր Պօղոս և նստուցին յԱթոռ Կաթողիկոսութեան :

Սուլթան Ահմէտ Պուրիս Պայի ամբարձաւ յիշխանական գահն Եգիպտական, և զօրացաւ քան զնախորդս . եկն յԵրուսաղէմ, և փակեաց զգրունս տաճարին Ս . Յարութեան, և արգել անտի գրիտոտնեայս : Իբրեւ լուսա զայս թագաւորն Հապեչայ, որում անունն էր Արամ Իսահակ որդի Իսաթի . բարկացաւ յոյժ, և ետ կոտորել զամենայն այլազգիս 'ի սահմանս տէրութեան իւրոյ : Եւ Սուլթանն Պուրիս Պայի լուեալ զայս արամեցաւ յոյժ . և երդմամբ շափ ուխտ ետ անձին իւրոյ, առնուլ զվրէժ այլազգեացն այնոցիկ 'ի քրիստոնէից, որք սրամահ եղեն յաշխարհն Եթովպացոց : Եհան հրաման 'ի սուր սուրբի կոտորել զամենայն քրիստոնեայս որք բնակեալ են 'ի սահմանս տէրութեան իւրոյ, սպանանել նաեւ զՊատրիարքունս Աղէքսանդրիայ և Երուսաղէմի : Իբրեւ ազգ եղեւ հրամանն յականջս նախարարաց նորին, փութացեալ անկան յոտս նորա, և աղաչէին զնա չհեղուլ զարիւն անսարա, և այսպէս հազիւ ուրեմն շիջուցին զրոց բարկութեան նորա, և աղատեցան քրիստոնեայքն : Յաւելլու ասել Արարացի տառմիչս, թէ ոչ կարացի զխտել զգործս Պատրիարգաց, զի 'ի դառն ժամանակին յայնմիկ չէր ոք որ 'ի գրի հարկանէր :